

Klimatti. Klimatti. Klimatti.

Kaikki alkaa ja loppuu klimatilla.

Miljöpartiet de gröna (Miljöpartio vihriäisille) se oon ittesthääns selvää – klimatti pannee raamit meän olemassaolole – ja meän politiikale. Met tehämä töitä joka päivä ette rakentaa rauhaliseman, turvaliseman ja enämpi oikeuenmukhaisen mailman.

Oikeistonatsunalistiset voimat Euroopassa uhkaavat tarpheelista työtä ette suojata luontoa ja vähentää päästöjä. Nämät voimat ajattavat pääle Ruottissa ja ympäri Eurooppaa ette aiheuttaa jakautumista yniuunissa ja hajottamista siittä Euroopasta jotako met tunnema. Rauha Euroopassa oon uhattu ko temokraattisia institysuunia heikenethään, ko vaphaita meetioita rajotethaan ja ko ryhmiä panthaan vastakkaa. Miljöpartiet de gröna (Miljöpartio vihriäisitten) rolli oon ette topata niitten etenemistä Ruottissa ja Euroopassa.

Yhessä muitten vihriäisitten parttioitten kansa met toimima kestävän, rauhalisen ja oikeuenmukhaisen Euroopan eestä. Eurooppa jossako met pelastamma klimatin, vahvistamma temokratiin ja suojaama luontoa. Ette tehä sen vaatii ette klimatti panthaan etusiaksi – sillä ko kaikki alkaa ja loppuu klimatilla.

Ilman muutosta, ei tule oikeutta, ja ilman oikeutta, ei tule muutosta.

miljöpartiet de gröna



Lue lissää meän politiikasta: www.mp.se

Vaalimanifesti EU-vaali 2024

Miljöpartiet de gröna (Miljöpartio vihriäiset) menevät vaahliin ette pelastaa klimattia, vahvistaa temokratiita ja suojata luontoa. Vihriäinen politiikka sisältää kaikkia aluheita ja vaikuttaa jokhaista ihmistä. Yhessä met halvaama rakentaa rauhaliseman, turvaliseman ja enämpi oikeuenmukhaisen mailman. Eurooppaparlementissä met tulema vethään:

Kätevää ja oikeuenmukhaista klimattimuutosta.
EU:lä oon ratkaseva rolli klupalissa klimattityössä. Päämäärä oon kestävä ja oikeuenmukhainen yhtheiskunta kaikile. Met halvaama nostaa klimattiampisuunia ja huomattavasti vähentää päästöjä, suuriin vastuu oon niillä jotka saastuttavat enniiten.

Vihriäistä, sirkkylääriä ja konkyrensivoimakasta ekonomiita.
Mikä oon hyvä klimatille ja miljöole pittää halpua, fosiliä syvensuunia pittää kieltää. Klimattimuutos pittää olla oikeuenmukhainen eikä se saa tapahtua hyvinvoinin kustannuksella.

Rauhaa Euroopassa ja mailmassa.
Tuki Ukrainan taistelhuun Ryssää vasten, niin ekonomisesti, militääristi ja hymanitääristi, häätty jatkua niin kauon ko tarve vaatii.

Vahvistettua ja suojattua temokratiita.
Met halvaama vahvistaa siviliyhtheiskuntaa ja suojata perusvaphauksia ja oikeuksia kaikile ihmisille EU:ssä.

Saatavia ja klimattiviishaita kuljetuksia kaikile.
Met halvaama enämpi junia ja halvempia kolektiivikuljetuksia, laittaa lentokielon EU:ssä semmosilla reitilä jossako junalinja ottaa vähempi ko kolme tiimaa, ja siirtää tavarakuljetusta moturiteiltä rautateile ja merenkulkuun.

100 prosenttisiä enerkiisysteemiä.
EU häätty nostaa ampisuunia enerkiipolitiikassa, ottaa pois kaikki fosilit syvensuunit ja tehä koko yhtheiskunnan enerkiitehokkaaksi. Met halvaama topata kaikki enerkiin tuontitavarat Ryssästä.

Pelastusplaania merile.
Terhveet meret oon ratkasevat ihmisen olemassaolole ja kaikile elämälle maapallossa. Met halvaama puhistaa meret plastiikista ja saastumisista, topata ylikalastukset ja kieltää muuta ekspluateerinkiä.

Vahvistettu suoja luonosta koko EU:ssä.
Meän luonto ja piulookinen moninaisuus oon etelytys ette meilä oon ruokaa, puhasta vettä ja puhasta ilmaa ette hengittää. Met halvaama suojata ja pelastaa enämpi luontoa.

Kestävää mettäpruukia jossako mettä saapii olla mettä.
Muuttaa mettäpruukia ette se hyöyttää mettänomistajia jotka tekevät töitä ette suojata piulookista moninaisuutta.

Maapruukia useamille puntile, klimatille ja piulookiselle moninaisuuele.
Met halvaama antaa tukea pienimuotoselle ekolookiselle ja paikaliselle maapruukile joka huolehtii elukoista ja luonosta. Met häymä reformeerata EU:n maapruukipolitiikkaa ette vahvistaa maapruukia ja lisätä meän omavarasuutta.

Elukoila pittää olla hyvä elämä.
Kaikila elukoila oon oikeus ellää luonolisen elämän ilman stressiä, kipua ja saihrautta. Met halvaama vahvistaa elukkahyvinvointia ja kieltää kaiken sorttisia elukanpiinaamisia.

Feminististä Eurooppa.
Varmistaa vaimoitten ja tyttärillen oikeuksia. Met halvaama karanteerata aborttioikeutta, ottaa käythöön suostumislain ja tehä kaikki seksyellitten ja sukupuoliperustetuitten väkivallat rangastettaviksi.

EU:n vapa rasismistä ja tiskrimineerinkistä.
Kaikitten ihmisitten sama arvo oon meile ittensthääns selvä. EU:ssä pittää suojata kaikkia ihmisiä rasismista ja tiskrimineerinkistä.

Solitaarista vastuutta ihmisistä jotka oon pakossa.
Met halvaama ette kaikki EU-maat solitaarisesti jakavat vastuutta hymanista ja oikeuenmukhaisesta vasthaanotosta ihmisistä jotka oon pakossa ja ette asyli-oikeutta vahvistethaan.

Oikeuenmukhaista kaupankäyntiä – klimatille ja ihmisoikeuksille klupalisti.
EU:n kaupapolitiikka pittää vastustaaa köyhyyttä, etistää ihmisoikeuksia, temokratiseerinkiä ja klupalia klimattipolitiikkaa. Vähhiinthääns 1 prosentti EU:n BNI:stä pittää mennä klupahliin avustukseen.